


道神足無極變化經

全

下方

C40
4514
49



C 40-4514

了翁上座請大藏及有  
家書置之武州紫雲山  
我微笑塔院后府中永  
為學者不敢許出院內  
當山三世鐵十機謹誌



B 64853

道神足無極變化經卷第一

西晉安息三藏安法欽譯

聞如是一時佛遊於忉利天上在巴質樹下紺瑠璃  
石佛坐其上為母說法盡夏三月與大比丘僧眾俱  
比丘八千皆得羅漢諸垢已索神足備具能在所作  
為菩薩七萬二千人神通已達皆得陀隣尼悉知一  
切人心之所行所欲自在徧至諸無央數佛刹時佛  
與無央數之眾眷屬圍遶而為說法爾時諸天眾中  
有二天子一名曰月二名曰月星天子在眾會中坐  
於是月天子從座起更整衣服前下右膝叉手長跪

經

道神足無極變化經卷第一



白佛言願欲說者今欲所問佛言恣所欲問於是月  
天子踊躍卽說偈問佛言

爲一切大悲	純厚而得前	立之得至道
甚淨於甘露	旣已得自安	滅除諸垢穢
復能安一切	是故願欲問	於無數劫中
所行甚勤苦	悉捨諸所有	布施無厭足
爲一切等心	等憂於衆人	今願用是故
欲問人中尊	其有見佛身	衆好自莊嚴
皆發踊躍意	所得因福田	廣長無邊際
無量過大海	是故今欲問	其德無過者

亦無有異意	復無有異心	三界將中雄
了知一切念	其身所當行	未曾隨他人
是故今欲問	於世之大智	若有德無德
歎譽及毀謗	有名若無名	若苦及與樂
皆知世八事	分別而具了	是故願欲問
已離於諸畏	復護一切人	自身等無異
於是無增減	三界皆悉爾	有慈於他人
不疑無瞋恨	是故願欲問	持行譬如地
布施與持戒	其心甚清淨	寧自歿身命
終不犯於戒	如身口所行	意亦復如是

是故願欲問	過度於世者	忍辱調其意
豎立而自損	是皆智所造	悉見勤苦處
諸好惡瞋恚	一切皆能忍	是故願欲問
所爲皆辯說	精進力甚強	超越於諸義
爲世作勤苦	未曾自爲身	晝夜常仍求
如駛流入海	是故願欲問	其德知與天
於是諸欲事	三界不復爲	一切諸恩愛
皆悉能降伏	禪旬皆已具	神足亦復然
是故願欲問	人中之猛雄	於是大智慧
已度無所樂	劫劫諸惡事	皆悉爲捨離

若在於空閑	自在知諸法	是故願欲問
別於俗而作	神足功德智	滅諸不可行
從是到他刹	不譽慈心想	供養於諸佛
於佛亦無想	是故願欲問	愛世人示現
是時魔皆來	悉共大聚會	卽以道法力
衆魔皆自壞	於是降魔已	自致道乃成
是故願欲問	其功爲最勝	一切住於地
金座地漏出	卽時逮覺道	佛智不可量
便起到他處	皆悉解諸義	是故願欲問
人中之最上	一切智功德	爲尊中復尊



已得如佛意 如法說經行 合會爲已度  
導師爲一切 以故問其義 三界皆蒙恩

於是月天子說偈讚佛已白佛言世尊云何菩薩摩訶薩速大神通智之特得最度無極云何菩薩得不可思議善權方便得知他人人心之所議云何菩薩得知一切法爲一行爲一味爲一入爲一教說云何得智自恣爲他人說云何菩薩得甚深戒不有放逸行自致無上正真道而不離佛所問如是世尊願爲解說之佛告月天子善哉善哉天子欲習如來業欲被大僧那僧涅欲入大戰中作大導師欲度一切欲作

大船欲轉大法輪欲作大布施欲作大法身故作大法雨欲然大法火欲擊大法鼓欲舉大法旛欲說大法界欲放大法聲欲治大法瑛欲現大法智欲斷邪見祀祠欲建立滿大祠乃欲作如是狀貌不可計數事乃爲一切故特是義以問如來佛語天子諦聽諦聽善思念之吾當爲汝說之菩薩摩訶薩得大智至甚深微戒自致無上正真之道成最正覺如是天子聽佛世尊所說於是月天子與諸大衆叉手受教而聽佛語天子菩薩有四事法逮得第一差別大通之特何等爲四一者得知一切法狀貌無所增減二者



求索一切法三者一切法無有盡得定安隱得學之  
證四者不見一切諸法離於法性者不於餘法界有  
所希望而想視是爲四事云何天子知法之狀貌知  
過去亦空當來亦空今現在亦空諸所有亦皆空如  
空如是天子長坐二昧索空各不知處是名爲悉了  
知如是天子知是處名爲分別曉了曉了諸決便持  
轉相教授是處知處造立處分別處如是處解義處  
展轉相傳是名曰功德如是天子云何得一切法法  
亦不想我亦不想法法起則起法任則任天子一  
切法如是是我所非我所悉已無菩薩如是者爲轉

前爲轉前者便不復樂起滅處所以者何諸所有無  
所有故於無所有於餘法而思惟雖思惟不於餘法  
有所學亦不有所說亦不有所任雖於餘法作大明  
於法亦不爲亦不學如是天子云何菩薩得知諸法  
等如虛空心天子造作三界如是天子心無有形亦  
不可見無任止處亦不可知如幻是心心法求心亦  
不可得如是心心法求心了不可得是心復不可知  
如是心一切法亦不可得復不可得持法了無所有  
視諸所有審如化如影如是知一切法已爲過已過  
者一切諸不學而自知如是知諸法等如虛空如是

天子如虛空不可見亦無有生亦無有長者知一切諸法亦復如是如是虛空亦如虛空寂而清淨如是諸法亦寂而清淨如是天子云何菩薩得知一切諸法法性如是天子菩薩作是學諸法亦不見亦不可得眼亦不見耳耳亦不知耳耳亦不見眼眼亦不知眼鼻亦不見舌舌亦不知舌舌亦不見鼻鼻亦不知鼻鼻亦不見身身亦不知身身亦不見意意亦不知意一切諸法若行若任法當云何而等知法性爲在所如是眼見知分別於法不言是不是亦不隨以是故得知常住處亦不於法作衰所以者何外亦不入

內亦不受於衰不衰當作如是知如是見亦不於法有所生有所任如是任爲悉見如是天子是爲法性如是法性亦不起亦不滅於是處無所有然復現諸法以任無所生無所起是止處如是審諦如當眼所見智亦爾亦不於法性亦無所脫而興隆而任止彼諸法法性以畢定如是天子是爲四事法菩薩得大神通智之特得最度無極如是天子云何爲神通云何爲智天子神通者於一切諸法要義悉知彼一一之智皆悉了是故天子名爲神通於一切諸法而自知我我名天子我者而寧很是爲法點如是天子菩



薩用是故疾得大神通之特智於所願而無狀所以者何欲滿所願故如是智天子過於人眼速得天眼淨悉見十方不可計無央數億千萬諸佛刹中於諸刹中見諸佛世尊及諸弟子衆持天耳悉聞諸佛世尊所說法皆悉聞知諸佛刹土中一切人民學不學上中下事皆悉了知能持神足遍遊到諸佛刹悉知前世無央數劫中所更索知一切人意思中所念所從來生本末皆悉速知持是智以自證便能爲一切說法如是智天子菩薩摩訶薩速得一切智佛所任者皆得任疾速得諸佛法成無上正真之道最正覺佛

爾時便說偈言

於是大神通	悉爲已滿足	善權之所施
見則功德相	如是皆從一	悉了知諸法
甚深淨戒德	亦皆由是致	以如是之故
皆悉知諸法	終不於是行	念有踰過者
一切諸所有	其法亦如是	譬之如虛空
法義無差特	於是審諦法	爾乃得見法
不疑於法界	用是曉了知	不以服法故
而悉具足知	分別而曉了	自致得神通
其諸過去法	皆悉爲虛空	諸有當來法



亦復無所有 今諸現在法 亦等悉如空  
如是所見者 一切皆同等 是三世諸法  
皆悉如虛空 亦非是我所 亦不非是我  
以自知一生 一切亦復爾 如是諸所見  
便爲得轉信 於彼如是知 功德不復同  
爲一切說法 亦不想於法 亦無有恚恨  
不言是與非 亦不有所疑 亦復無所學  
其已如是者 便爲立諸法 於是諸所習  
爲皆無有餘 於是無餘法 諸法皆悉爾  
亦不於異法 而復有所見 如是亦不生

亦不爲復有 於是無所入 亦復無所得  
便爲逮得德 爲一切說法 普演於法義  
於道無所念 其心於三界 爲已甚佳快  
心已如是者 爲都不可見 無色若如影  
其像亦如是 於法有所求 其心已所止  
若有於是法 欲求索其心 法亦不見心  
心亦不見法 其於如是心 心而復求心  
心已如是者 悉已見諸習 諸法亦如是  
無能黠法者 諸所有思想 不能作妨礙  
一切未成法 我當悉辦之 其法如虛空

常任無增減 譬若如虛空 所生無所有  
其已如是者 爲見一切法 亦不於虛空  
而有所作爲 如是名爲好 諸法亦如是  
眼亦不見耳 耳亦不見眼 舌亦不見鼻  
鼻亦不見舌 身亦不見意 意亦不見身  
各各在其處 處處不相見 若從他人聞  
或自從已知 如是而悉能 爲人說法界  
法界如是者 乃爲悉平等 六衰不知我  
我亦不知衰 如是皆悉知 所學諸法事  
學已如是者 其慧無有量 爲悉見十方

無數億千佛 及與弟子衆 尊說法悉聞  
其有於是法 廣普爲人說 於是無量慧  
爲已甚清淨 善說戒之德 而具足得聞  
曉了於諸義 分別爲皆滿 皆悉爲一切  
其心之所念 便以神足力 遊於億刹土  
巨億千萬劫 無數恒邊沙 前世之所行  
皆悉見了知 而便於是行 爲已逮五通  
便因是前近 安隱無上覺 佛之所任者  
皆爲已得任 其未逮道者 當道求其義  
於是視諸法 皆空無所見 便發踊躍意



歡喜無過者 一切諸魔衆 無能動其毛  
疾逮得正覺 無上之最尊

天子復有四事法菩薩摩訶薩逮得不可思議善權  
方便之功德何等爲四一者逮前世智慧功德二者  
其有無所依者寒凍者苦者苦痛者愁憂者若見是  
輩衆苦毒者便發意踊躍欲救之皆教令求佛道三  
者以諸法持佛意繫於一切持前世久遠功德福祐  
勸助復持一切過去諸佛福祐功德勸助皆令解脫  
憂苦放赦去離都持是功德奉上諸勤苦厄難者四  
者未曾發意不滿一切願亦未曾發意漏脫使人不

至道道亦未曾令一切不至道如我心欲至道道亦  
迎我心如是智便迎於心心便逮道智持溫和拘舍  
羅於功德而增益不於法界有所壞於所可思議法  
所學無有厭足於諸功德亦不厭足如是作諸功德  
信復無厭足不於心法有所亡心於功德亦無所亡  
常奉行於布施心清淨無所希望常奉持禁戒而不  
缺減於忍辱力無不動轉加於精進而不懈怠於禪  
三昧而不亂於智慧而不愚常供養於一切而無所  
貪以慈報恩而無所憂思惟所生逮無所生憂其所  
說法憂欲令皆度脫天子菩薩行如是其有知小福



者以漚和拘舍羅所作無央數不可量如是天子菩薩於是一切法逮得不可計智於諸法無所不知無所不了何以故天子一切法空無相不願如是空不可計心逮得不可計作小功德持漚想拘舍羅所作無央數不可量何以故如道不可量心亦如是如是行不可量無邊際不可量法隨無邊際不可量法如是諸佛世尊道法亦復無邊際不可量復次天子菩薩以漚想拘舍羅於一切行皆悉過上過上已隨一切人所喜樂布施者所求者說法者以法而度脫之復次天子菩薩已如是者逮得無央數不可計所行

法則於布施持戒忍辱精進一心智慧皆悉具足於勤苦人無輕易之心於戒無所缺減以戒有所長益爲一切人忍辱若罵詈輕易者皆悉忍之於精進合會諸善德於禪逮得諸定於智慧無所罣礙復次天子菩薩以漚想拘舍羅於弟子而現行隨其法教化之自於內無所希望於辟支佛而現行以其法教化之於其內無所希望如是天子菩薩以是四事法得不可思議善權慧佛爾時說偈言

其苦凡有二 謂我及他人 自滅於我苦  
并復能滅彼 憂念一切人 令心了道事

於法心亦爾	皆使解一義	用福一切人
三世勤苦行	諸佛所行福	一切皆勸助
以是功德福	奉上施一切	於諸心所願
疾逮得佛慧	令一切發意	皆學正真道
心不於餘道	而不有所求	心不希望道
視亦不可見	道相心如是	心相亦俱然
法等如是等	於我亦無我	自知見功德
增益淨功德	於身無所增	法界難思議
常任於道處	是乃為求佛	其心未曾念
豪尊以自益	心恒存於道	精進而不懈

布施而無狀	常堅護於戒	忍辱亦如是
不造立人根	日日行精進	常自念身空
於禪而寂靜	慧能度一切	養育於一切
所任如蓮華	施與持清淨	不望於他人
常願求佛慧	諸法具了知	曉習一切法
其慧難思議	為一切說法	而無有躓礙
若有應此行	是則為菩薩	皆悉解了空
施少報無量	不想有與無	心未曾放恣
悉知一切行	如所願度脫	布施隨所欲
說法種降伏	既施而無悔	於戒不虧缺



忍辱及精進 禪慧不自大 布施與持戒

忍辱及精進 於禪定三昧 慧施而降調

其於聲聞行 及於辟支佛 隨所樂度脫

於內而不隨 堅任於是法 菩薩無所著

權慧難思議 疾逮降一切

復次天子菩薩有四事法一切法爲一味爲一入爲一說其智皆解達於衆義何等爲四如是天子菩薩於法界得一切智功德而無所破壞信一切諸法皆空亦不於法界言是我作非我作何以故是我作亦非不是我作皆非所以者何壞諸不可習便逮得皆

知一切法智天子是爲四事法菩薩得知一切法爲一味爲一入爲一說如是智爲悉解達衆智義如是知如是視若於俗若於道便以慈轉法教若有行者行知若有恩者恩之若有任立者立之便以法任立之以法大悲而轉之不於衆法言念是尊者是爲卑亦不於入法亦不於行法亦不於若干法而有所見習之凡人法便復行凡人法於凡人法亦無所舉亦無所下於是一事壞習法亦爾便廣說一切法於諸法界不見有所壞何以故爲得一忍爲忍於空於忍空而不疑如一入諸法入亦爾如無所生入天子如



是菩薩爲親近佛世尊無上正真之道亦不想念近  
佛不近佛何以故亦不見壞一事所以者何亦不見  
一切人異亦不見道異亦不見一切人亦復不見於  
道佛爾時說偈言

不於法界言是非 不於法界無所壞  
法界如是一切如 若不思惟不了義  
已信於法一切空 六衰久長與空會  
一切法寂得自在 若一處空餘皆爾  
於法無見無能視 亦復無我不可護  
若我學得如是者 如爲審諦曉道意

行應寂靜逮空藏 上與相隨諸法處  
皆知諸法爲寂然 於是寂靜無不可  
世最世間法皆知 於是不疑不轉還  
不斷於願願來願 聞法常念不懈慢  
於無央數不可計 其身所作不自見  
展轉五道不見法 凡人羅漢乃能知  
凡人所習常念說 如是之事羅漢法  
亦復不舉亦不下 寂靜不受爾乃知  
一切法數皆悉知 不於法界有所壞  
忍辱虛空等無異 諸法虛空皆如是

忍辱如空無所念

一切諸法入一智

如無從生不生習

如是所行道不難

如是親近無量道

於是心念無懈倦

若我他人法如是

所求無得則覺道

天子菩薩復有四事法於甚深戒行不放逸何等爲  
四如天子菩薩自思惟何等名爲戒如自視身  
所行善皆知身所行善口所言善心所念善是名曰  
爲戒云何身所行口所言心所念不犯身事不殺不  
盜不淫是名爲身行善云何口所言善不惡口不兩  
舌不妄言不綺語是爲口所言善云何意所念善不

嫉不恚不邪見是名爲意所念善如是爲自視悉見  
用是故皆具得如身口意所行不作是事無有能普  
說其德者亦不青黃赤白紅不離色亦不眼識而可  
識如是亦不意識分別而可識何以故於是不生無  
所生於起無所起如是不生無所生不起無所起於  
是便逮得無能說普演之德是時心安住而不搖如  
是不相逢無能普演如是無有能普演說亦不自言  
我能作是說作是行者心亦不可見如是說心戒亦  
復不可見迹如天子菩薩逮得甚深戒之德復次  
天子菩薩逮知離所見身功德知於所見無所起若



戒若無戒等無所任復次天子菩薩逮得任入甚深  
法要作如是伺諸所學事深遠之行皆悉行於一切  
諸乘行皆悉行是名曰爲戒如是行爲不自欺亦不  
欺他人如是者名曰甚深戒復次天子菩薩得不犯  
戒不虧戒不亡戒云何菩薩不犯於戒不虧於戒不  
亡於戒天子能自護者便能護於戒天子自知者便  
能知戒不輕易於戒於所學無所缺於戒而不亡用  
是故不亡於戒一切他人法皆悉知何所是他人我  
爲在何所亦不恨他人亦爾天子用是故能度脫一  
切人天子是爲四法菩薩得甚深戒而不放逸佛爾

時便說偈言

身口意所行	法潔淨復淨	其行勝珍寶
是戒應菩薩	是十無過上	黠持護菩薩
身口意不虧	是戒爲最黠	不作亦不生
於生而無生	無種無處任	無智云何得
不會不作戒	眼視不可見	亦非耳鼻口
非身意所識	不造六情根	所任亦無處
是戒甚清淨	戒亦無所任	守戒不放逸
於戒無我想	護戒無戒想	以是得深戒
於是見身行	離於諸所見	不隨妄見處

經 卷第一 諸行皆辦畢

於戒無想念 如律入深法 諸行皆辦畢

滅有便能護 於戒無異想 有我便有戒

無我亦無戒 是說為恐畏 知我則有戒

空寂戒無念 寂靜戒無著 空寂戒無時

寂戒不思惟 不虧戒無上 於戒不貢高

戒亦無我想 是則甚深戒 於戒甚勇悍

不為不善戒 一戒具衆行 一切法叵得

戒有想為癡 無戒言守戒 是為滅戒果

不脫於五道 遠離諸所見 我所皆不用

戒亦無所見 不畏於五道 視不見為見

不增不善戒 於我而無病 習戒皆悉見

道神足無極變化經卷第一 可怪如來深微乃如是

音釋 世尊無上正真其可怪菩薩所施行如是名為

豎神羽切 駛音史疾也 瑛於京切 很下懇切 不聽從也 點胡八切 慧

也 躓躓陟利切 礙踳也 而不墜聲聞辟支佛地

於 浙江嘉興府楞嚴寺般若堂庚子年餘賞刻此

道神足無極變化經一卷計五千八百四十三

該銀三兩四錢六分 順治十七年八月 日徑山比丘徹微印開識

經 七 方七





吼逮精進而不弱爲一切故捨諸所有堅任於施與  
便逮大悲事如佛所說所問皆報答逮得善權方便  
於一切功德已成復成於餘德天子是爲四事菩薩  
於深法行不於無央數億百千佛所而求證佛於是  
說偈言

堅任於所作 其智亦如是 前世所作智  
亦終不放捨 以一切智故 所爲而不憂  
一切像色貌 皆悉具了知 所行常精進  
終不爲放逸 心亦不懈倦 所行亦如是  
其諸所作爲 皆悉憂一切 如是於衆生

常而有等心 常興大悲意 憂念一切人  
慙傷諸勤苦 皆欲令安隱 願疾得作佛  
斷絕諸苦惱 逮得衆珍寶 其處不可盡  
常以善權慧 教學諸方便 勤力作功德  
行具無厭足 所造有究竟 其行常如應  
安之於道次 不悉念居處 以如是法者  
悉皆堅持之 菩薩行是者 諸行皆悉了  
於是甚深法 所行皆備具 於億百千佛  
所作不懈倦

爾時月天子問佛言云何菩薩得甚深之行佛告天



子菩薩亦不於凡人法有所望亦不於佛法有所求亦不於凡人法有所望於佛法凡人法等無有異不於凡人法有所求於佛法亦無所得亦無所亡於凡人亦無異於佛法亦無異亦不作是念不言凡人法不尊佛法爲尊於凡人法亦無所斷於佛法亦無所斷如是生生復生是名曰凡人法如是佛法是二法爲空爲寂爲定如是爲知無處亦不於凡人法有所求亦不於佛法有所求不於凡人法處有所有亦不於佛法處有所有如是二者亦不見凡人亦不見不凡人如是知爲如眼見所見者皆空皆無相皆亦無

願如是智慧如眼所見如是智爲佛法亦不於佛有與無亦不念於是有所安有所苦亦不念是好是醜是皆空亦如空空亦不於空而見空亦不知亦不求何以故已是有習有老有起故如是天子法法乎法名法住法滅法寂於是亦不自見亦無所見亦不自知亦無所知所以者何若凡人若弟子若辟支佛若三耶三佛若受決若深行天子菩薩不於諸法空佛法空何以故如是天子法法乎法音聲彼善音是善音於是不可得如是不可得於是爲無我如是爲無我於是說有住不住而去天子諸法如是不可數佛

法亦不別天子其譬如當作是視諸法佛法常念作是行復念如是行於是起無識念行於無識念於佛法亦無所惟如此者爲以應從思惟爲以起不復作是智不於法界有所增亦不在亦不在復次習法智無能於法有所增減所以者何若有愛欲法無愛欲法皆覺知何所是欲何所爲無欲已了知於是不復隨是故天子菩薩得甚深之行終不見於法亦終不於佛法如是視如是見如是觀爲不見作是視天子菩薩衆魔若魔天不能壞如是說天子佛說如是天子白佛言世尊菩薩摩訶薩所作甚奇特具足

知是諸慧事乃如是了知於生死乃作是求道而不懈倦如是起滅上下不可盡佛言天子譬如幻如化若來若去若坐若所求若所說亦皆無所有天子譬幻化欲知一切諸法悉如是一切諸所起滅過去當來今現在其劫數亦如是菩薩亦不念起亦不念前世所行天子復問云何世尊菩薩若不念有起生處佛何以復來上切利天到所生母所盡夏三月世尊不從摩耶生耶佛報天子言如來所生不用生死法住如如住如者不來不去佛生如是佛復言天子佛從般若波羅蜜生諸佛世尊皆從般若波羅蜜生何



以故三十二大人相不從摩耶生天子般若波羅蜜如是學般若波羅蜜佛母身三十二大人相皆從學般若波羅蜜月天子白佛言我熟思惟般若波羅蜜無所生無所滅云何世尊言般若波羅蜜是諸佛之母乎佛報言如天子所言菩薩當學菩薩所學逮般若波羅蜜便得佛身相三十二大人之相歸之十種力四無所畏佛十八法大慈大悲三三昧獨行遊步佛慧知他人意皆來歸之此皆不從摩耶生是故天子當知佛慧從般若波羅蜜生有無央數諸慧之事不可計今粗舉其事皆悉如是天子復問諸佛世尊

法皆悉具足如是如來如如者隨如得成如是天子所見事如是視佛從般若波羅蜜生亦不從生般若波羅蜜不於法有想根亦無起根亦無爭除云何世尊般若波羅蜜所生答言天子如法如來如如者隨所作法於是法不生不起不滅如是天子不生不起不滅如是如是異爲智慧慧從般若波羅蜜生名曰怛薩阿竭從般若波羅蜜所生如是生爲不復生不起不滅如是天子不生不起不滅菩薩學疾近般若波羅蜜天子般若波羅蜜智不可盡復不可盡般若波羅蜜復言世尊是智慧云何思惟云何當知是般若

若波羅蜜不可盡智復言天子不於智慧思惟而有  
智如是天子於智慧有思惟有智是不爲智慧不可  
盡慧何以故天子心知有勞終不能得不可盡知當  
令知是不爲智慧天子智慧無思惟智若智慧有盡  
不爲智慧天子復問云何世尊不可盡從何所問從  
何所知答言天子是不可盡不從放恣而等求復問  
世尊是不放恣爲何等類答言天子諸惡行於三界  
而不捨亦不離三界中諸惡已復捨三界諸惡行如  
是天子各隨所爲不放恣其報云何於三界不起不  
滅是其報復問世尊頗有弟子從是間遊過三界爲

人說法者不佛言天子於欲界能爲弟子說弟子法  
不能於欲界有所益於色界無色界能爲弟子說弟  
子法都無所益以三昧遊三界而說法不能了佛世  
尊之所說亦不見以三昧力遊於欲界有所說而無  
色天子雖遊欲界復不能有所脫以三昧力遊於色  
界無色界無色界所說而無益於色界無色界都不  
能有所脫雖遊三界但能自脫身不能益他人如是  
天子雖知三界不戀於三界坐守空法亦不習於欲  
界不能於色界亦復不能於無色界如是不能於三  
界亦不生於三界亦生於三界所去亦不知處如是



天子是輩捐身於是處無能知亦不見往亦不見還  
何以故一切諸法於三界不相逢天子譬如虛空不  
生不可見無有作者不復會以過去如是天子三界  
一切諸法皆如是說是法時天衆天衆中七萬二千  
天子遠塵離垢諸法法眼淨萬六千天子前世已作  
功德今復聞說是法皆發阿耨多羅三耶三菩心八  
千菩薩得不起法忍爾時衆會者皆承佛威神皆自  
見未曾所見華在其祇上悉以散佛應時佛威神令  
是華遍滿忉利天上是時釋提桓因前白佛言甚可  
怪世尊是諸族姓子所散華本所不見爾時月天子

語釋提桓因言拘翼世尊亦是未曾可見者華亦如  
是何以故拘翼持是心見世尊者是心爲滅盡不可  
得見如是拘翼其有可見之事皆前所未曾見釋提  
桓因問天子仁者云何見佛天子報如是世尊見我  
我見世尊亦復如是釋提桓因又問云何見答言拘  
翼如來如如色如如痛想行識如如我住是見如來  
拘翼我不以色觀如來亦不以痛想觀如來亦不以  
行識見如來所以者何色自然不起不滅痛想行識  
亦爾是五陰法之相是相不相皆如普照拘翼如來  
如是不可見拘翼復有欲見如來當如佛見我我見

佛亦爾復問天子云何如佛見仁天子答言今佛在此自可問佛於是釋提桓因前白佛言云何世尊如來見月天子佛言不以色見亦不痛癢思想生死識見亦不以前世見亦不持當來見亦不現在見亦不凡人見亦不於凡人解脫見亦不於學見亦不於不學法事見亦不阿羅訶見亦不阿羅訶法事見亦不於弟子法見亦不於辟支佛地見亦不於佛地見所見如是拘翼如是爲見佛如是見佛爲無所見如是無所見是爲等見如是示現是名爲一切示現審諦示現如是觀拘翼是名爲如如來如來於法界無所

缺減拘翼於拘翼意云何如來如是見如是觀爲見何等答言是名爲見佛世尊如來是名爲得不於色如是如來於此無有能得計數者復問世尊如是爲見佛耶答言如是拘翼菩薩爲逮得無所從生忍於一切諸法界皆爲等任亦不離是法而見法釋提桓因復白佛言是月天子爲得無所從生法忍佛答釋提桓因言持是事自以問月天子當爲汝發遣於是釋提桓因問月天子仁者今爲得是無所從生法忍耶月天子答言拘翼頗有無所生所起不釋提桓因言不也天子復言拘翼設無所生不起者云何復問



得無所從生法忍天子復言拘翼法界無所生其譬  
正如此是故法界亦不起亦不滅都不可知爾時釋  
提桓因便發是念言如月天子所說爲已得無所從  
生法忍爲逮近佛爲逮三耶三菩提爾時月天子知  
釋提桓因心所念語釋提桓因言拘翼無所得忍者  
得三耶三菩坐不難有不得忍者去三耶三菩坐大  
遠釋提桓因復言天子云何作是說天子報言拘翼  
已得忍者能作是說其不得是者不能近三耶三菩  
阿惟三佛坐得無所從生忍故能說無所從生如無  
所生如是者道釋提桓因復問天子道從何所求天

子答言拘翼道於三界而無我作是求道釋提桓因  
復問三界無我云何求天子答言如法者不生不生  
復不生日道當作是求作是求已如是求不求於求是  
者爲無所起是時釋提桓因白佛言甚可怪世尊月  
天子所說甚深乃爾從何所沒而來生此於是沒當  
復生何所時月天子語釋提桓因言拘翼如幻師化  
作男子若女人從何所沒來生於此於是歿復生何  
所釋提桓因復報言天子了幻與化無起無滅不可  
見不可知是無所有天子語拘翼言如是說幻化從  
無合會來生滅亦至無合會所如是幻化點慧者所

不用亦不近釋提桓因言如是天子如所說天子  
報釋提桓因言拘翼如卿所問我所答亦爾如卿諸  
法如幻化念欲持是事以問佛是天子從何所歿而  
來生此於是歿當生何所天子語釋提桓因言於拘  
翼意云何如如來化所化如若去來上下可見知不  
釋提桓因答言天子如是不可得見天子復言是化  
寧可有所作爲不釋提桓因言能有所作天子復言  
如是拘翼化一切諸法等如此若去來上下作是觀  
拘翼於是無能有所作於拘翼意云何不於是見色  
聲香味細滑法亦爾是化人寧能見聞知如是事不

釋提桓因言天子不可得見聞知天子言如是拘翼  
如是一切分數知諸法亦如是若見若聞若心念法  
亦不染亦不汙亦不於是止亦不近亦不離於見於  
聞於念如是所語如是法爲一切說爲衆所說而無  
有異於是釋提桓因白佛言世尊是月天子說無處  
所不生不起不滅是天子不在弟子地不在菩薩地  
見菩薩云何當憶念無央數劫生死之事育養衆生  
云何都不可得知佛語釋提桓因言拘翼其有菩薩  
得不起法忍者亦不念生亦不念起亦不念滅欲觀  
是輩菩薩當如觀百歲般泥洹阿羅漢不可得知何



以故是亦無他人想亦無我想復無無他人想復無  
無我想復如是拘翼精進樂勤苦行菩薩所作亦不  
念生亦不念滅亦無他人想亦無我想諸法體性本  
皆泥洹如是拘翼一切亦不縛亦不解不了知是法  
是菩薩爲是故爲解爲示現思念故爲起大悲是菩  
薩不疲厭於無央數拘利百千劫而不懈怠譬如拘  
翼有人墮火坑中有大悲男子不愛軀體不惜壽命  
捨五所欲及諸所樂入火坑中抱是人出亦自出復  
出彼人於拘翼意云何是人所作爲難不釋提桓因  
言世尊是人所作甚難甚難佛言如是拘翼是何足

爲難菩薩所作又難於此以脫諸欲發意欲持諸供  
養之具以其所有將護給與一切如是拘翼復有過  
於是者以是光明之德照示一切如是皆過一切弟  
子及辟支佛上菩薩摩訶薩自致阿耨多羅三耶三  
菩阿惟三佛復次拘翼如是說從何所歿來生於此  
聽有拘翼東方於是國分從是佛剎度九十二那術  
百千佛國名羅陀那薩遮世界中以衆寶爲樹其枝  
葉華實無央數色其經行處以無央數寶而校成其  
國中所有皆衆寶以爲校莊無空缺處其地皆紺瑠  
璃無央數寶以相雜廁復次拘翼有世界名羅陀那

先祇是世界拘翼佛名羅陀那文陀羅帝耶阿丹竭  
羅油如來無所著等正覺今現在說法其佛國中無  
有母人亦不聞母人亦無弟子緣一覺道純是菩薩  
滿佛刹中復次拘翼是寶豪場出過上聚如來無所  
著等正覺其世尊一一說法七十二拘利菩薩皆得  
不起法忍菩薩得是忍已意念若豪多珍寶上天世  
大姓一切皆以斷用是故一切諸佛刹皆悉爲之動  
卽時三千大千刹中若干無央數珍寶蓮華雜華色  
甚鮮好悉滿其中以散佛上皆於佛上化成華蓋遍  
覆佛刹已是菩薩便踊於虛空飛到他方佛前而供

養禮士欲遶問訊欲聞法復次拘翼得法忍菩薩不  
樂住一處便能遍到諸佛刹不得法忍菩薩不能到  
他方復次拘翼彼佛世尊出來十二劫彼佛所止處  
夜常三說法說法已七十二拘利菩薩得不起法忍  
如是拘翼不得不起法忍菩薩不能到他方刹得不  
起法忍者乃能到他方佛刹如是菩薩乃於彼間歿  
而生他方刹土如是拘翼以是比類當作是視如是  
不可計億佛刹諸菩薩皆悉爾拘翼是彼珍寶積聚  
刹土中所有一切皆無有憂入三惡道亦無苦智亦  
無樂智亦無所問亦無所說亦無勤苦亦無食飲何



以故諸菩薩以法歡喜爲飲食彼土中無羅漢辟支  
佛名如是拘翼珍寶積聚國土中是刹中世尊寶豪  
場出過上聚如來至真等正覺是月天子從彼佛刹  
歿來生此忉利天故來欲見佛禮我遶我問訊我欲  
有所問故來因是所問會無央數千人廣有所知又  
會餘菩薩於不起法忍皆使滿具拘翼是月天子故  
來見佛欲護一切法欲持於法佛般泥洹已後最後  
法欲盡時當於是間得道生於人中持是所說甚深  
甚深法廣有所照普以教授滿百千人於是不起法  
忍皆樂欲學久遠最後法欲盡時於是盡歿生第四

兜術天會於彌勒菩薩所講說諸佛世尊道事不可  
計數百千天子前世初未曾起道意今聞是說皆發  
阿耨多羅三耶三菩心彌勒下來得正覺時是菩薩  
承事彌勒佛萬歲居家常供養彌勒及衆僧乃後時  
與四千人俱以家之信出家爲道便作沙門作沙門  
已於彌勒如來至真等正覺所盡形壽常持法彌勒  
般泥洹後至於法住常持法於是賢劫中千佛中少  
四佛皆當供養承事爾所佛於是諸佛世尊所說經  
常修梵清淨之行最後過七恒沙等劫當於是世作  
佛號字月光曜如來無所著等正覺所願皆滿於時

月星天子語是天子言善哉今爲佛之所授決當得  
阿耨多羅三耶三佛卿本有何等恩有何等供養作  
何等愛敬喜樂歡喜事施於佛乃使如來獨授卿決  
是時月天子語月星天子言如來者亦不以善與人  
決亦不有所畏故與人決亦不言是人可與是不可  
與菩薩者自學菩薩法世尊便記其決卿云何作是  
問我仁有何等恩於佛所使佛作是敬作是愛作是  
念作是歡喜作是賜遺月星天子問月天子言是歡  
喜當從何所見月天子答月星天子言歡喜從心求  
月星天子復言心不想心誰作是踊躍者報言踊躍

不可持亦不可獲是上踊躍如不可獲踊躍之最也  
月天子語月星天子如是踊躍於是踊躍有所不可  
者不爲踊躍是踊躍於放逸事而不爲於是踊躍中  
而常踊躍不復生廢退意如是月星天子當於是法  
求用是故得踊躍於法所作而不放逸於是求於是  
不求亦不離求何以故不於法界求亦不於所求如  
是月星天子

道神足無極變化經卷第二

音釋

袂古得切衣前襟也

拘翼

翼音亦拘翼帝釋別名也

痛癢

痛他貢切癢也以兩切癢



膚瘍微搔也

羅陀那薩遮

梵語也此云珍寶審諦與藏

羅陀那先祇

梵語也此云珍寶積聚

羅陀那文陀羅帝耶阿丹竭羅油

也此云珍寶豪易過出上聚

道神足無極變化經卷第三

西晉安息三藏安法欽譯

於是月星天子語月天子言如是菩薩學名爲學菩薩從問何所是菩薩學報言天子菩薩學於菩薩於是無身無身行無口無口行無意無意行是爲菩薩學菩薩於身無所學亦無所獲亦無所失亦無所亡如是天子菩薩學復言天子如是學爲如來所授決耶月天子語月星天子言不作是學者世尊不與決何以故不念於是學不念有所說亦不念我亦不念有所求亦不念我有所學是名爲學語分部於世不

合會其有言我作是學爲不諦爲非說不念言有我亦不言是諦亦不言我是菩薩學復問若有幾事天子得審諦報任答言於所願常高舉而不下亦不中間於願常在心未曾休懈雖有是而不作是法爲最是法不如於是法審諦覺知是名爲任爲審諦任復問言天子持何所法得如來授決報言不於凡人法有所捨亦不於佛法有所得用是故如來授決天子如是法無所捨於是法無所得我以是故爲如來所授決復問如是凡人爲皆授決何以故如者不捨凡人亦不捨凡人法於佛法亦無所得復言天子何因

緣爲凡人法復言法空法界亦空復言天子何因緣爲佛法如者拘利佛亦如報言天子能於虛空界於法界能有所捨不報言天子不於如如者於拘利佛爲可有所得不報言不也天子如是天子次第說於凡人法無所捨於佛法無所得用是爲如來所授決復言云何於空界法界於如於拘利佛從是得決耶報言天子不爾復問言云何天子於空界於法界於拘如於拘利佛於是不得決餘諸佛復從何所得決報言怛薩如受決如空界法界怛薩拘利佛如是天子法乎法如此法乎法也如是授決是爲受決爲得



決已不離阿耨多羅三藐三菩提不離阿惟三佛於是月星天子前白佛言世尊是月天子逮得深慧所說乃爾佛言如是說法天子菩薩爲逮得忍若求索若發遣若於一切諸法界若說若有所說不能於法界有所見不能有所語亦不能有所傳何以故於法界無所語亦無所說如是法界如是人界如是人界是爲佛力處如是佛力處一切諸法如是如是天子如是菩薩爲如法住如是住不復信餘事亦不隨餘事如是者當復因何等今佛有所說爾時賢者大目犍連於釋提桓因宮紫紺殿上爲諸天子衆說法爾

時大目犍連從座起便徜徉心念言如來無所著等正覺在此閻浮提爲已空閻浮提有無央數人飢虛欲作功德不見佛不聞法於所作爲轉滅於是大目犍連作是念已持天眼遍視閻浮提便見佛如來無所著等正覺在萍沙宮中食與大比丘衆千二百五十人俱是時大目犍連復自見在佛左而坐自見身形被服坐在佛邊無有增減復自思惟得無世尊還閻浮提復更視巴質樹下見佛世尊與無央數諸天衆圍遶而爲說法見舍利弗坐佛之右自見目連與諸比丘坐佛之左復與大比丘俱於是賢者大目犍

連見甚大可怪諸佛世尊所作爲不可思議諸佛世尊爲大威神爲大能爲大分於閻浮提說法如故而不斷絕於第二忉利天上爲諸天說法爾時大目犍連復大疑怪復更諦視見佛在舍衛祇洹給孤獨園與無央數衆圍遶而爲說法復自見在於會中如其像貌舍利弗摩訶迦旃延邠耨須菩提離越賢者子劫頻奴一切諸大弟子衆皆悉見如在舍衛如在羅閱祇如在忉利天於是大目犍連復重思惟閻浮提復見迦維羅衛大國尼拘類見佛從尼拘類園出入迦維羅衛大國而行分衛復見比丘形像如目連於

是復見佛在維耶離大國與大比丘衆俱至離垢月童子家飲食目連復自見色像貌與大比丘衆俱於是大目犍連見佛在波羅柰大國從分衛還自見色像貌亦在其中復思惟遍視閻浮提所在處皆亦有佛若樹下若巖石間及閻浮提地上佛悉遍滿皆見佛比丘僧俱圍遶若干百千所在聚落皆悉遍皆於是目連重復甚大疑怪更思惟已持天眼視鬱單越見佛與比丘僧俱受食亦自見身在其中亦見餘弟子復視弗于逮亦見佛在大衆中而爲說法於拘耶尼地亦復如是見佛世尊坐禪無央數千衆皆見爲



佛作禮諸弟子衆亦各各隨其色像貌而坐三昧三摩越亦自見身在其中於是目連倍復疑怪復坐思惟地上諸神於是復見佛與諸弟子衆亦復自見在其中及衆弟子如是虛空中諸神亦見佛在其中爲虛空中諸無央數百千諸天而爲說法亦自見身與衆弟子在其中如是第一四王天上焰天兜術天尼摩羅提天波羅尼蜜天愁耶拔致天乃至梵天徧視復見佛在梵天與無央數百千梵天圍遶而爲說法亦自見身色像貌及一切衆會者皆悉如大目捷連神足變化在所作爲皆悉爾自見在中爲一切而說

法皆如目連復變諸會者皆如舍利弗比丘智慧光明於大衆中爲師子吼如是比丘各自以慧力爲說大弟子法於是目捷連驚怖衣毛爲豎甚可怪踊躍歡喜則生善心三返自稱譽言乃爾乃爾諸佛世尊甚大可怪無罣礙行所作亦甚可怪大踊所成歡喜踊躍五體投地讚歎言南無佛爾時聞大音聲響切利天皆爲震動於是無央數百千天子聚會俱到佛所白佛言惟世尊何因緣有是大音聲感動是地乃爾所問如是如來佛言如是天子大目捷連於佛大地踊躍自歸五體投地感動使爾佛言如是天子

是比丘目連當自來問於是比丘目連起任疾疾往  
到佛所前以頭面著佛足遶佛三匝已任佛前又十  
指爲佛作禮是時目連於佛前說偈言

持力不可稱 佛爲已逮得 如佛之所行  
世雄難思議 垢垢已離三 心意皆已調  
天人之中尊 一切所供養 雖有百千日  
滿於虛空中 盲者無所見 盲者不蒙光  
十力放光明 弟子因所見 一切諸弟子  
不能及佛明 從胎盲無見 弟子行亦爾  
不能知佛慧 亦復不能持 雖有信受是

如來之法教 於是無能知 不及尊所行  
譬若如大海 欲比牛跡水 其德如須彌  
喻之於芥子 如日之光明 寧與螢火等  
佛世尊之德 弟子不能及 不可以須彌  
方之譬芥子 日月之光明 比之於螢火  
比之牛跡水 不可以大海 比之於弟子  
不可以菩薩 譬若如盲人 以比有目者  
若復有乞人 以比遮迦越 譬如月光明  
比之以星宿 如佛世尊德 弟子不能當  
在於人間行 復現須彌頂 所現譬如幻



一切蒙福祐	不知佛在彼	我憶天下空
不復得見佛	及與比丘僧	我於此宮舍
常止在其中	為諸天姝女	教誡說法事
便自以天眼	觀視閻浮利	卽見諸百國
謂之無福地	思惟是天下	便卽見世尊
在於羅閱祇	與弟子共食	在萍沙王家
處於大宮中	與諸衆會俱	眷屬而圍遶
在於是見佛	譬現水山雪	自見目連身
任止在佛左	又見舍利弗	侍在佛之右
并復及於餘	一切諸弟子	我自意呼佛

下在閻浮利	還在忉利天	佛故在其處
於是熟自視	止在忉利天	諦復自思惟
處在閻浮利	又復見世尊	在於舍衛國
坐於大衆中	一切廣說法	亦復自見身
在於大會中	亦見舍利弗	及與諸弟子
復現於釋種	現行而分衛	見在維 <small>耶</small> 離
而行受人食	現至波羅柰	行步而出入
諸有所在處	皆自見其身	現到鬱單越
與諸弟子衆	共行而分衛	見到阿耨達
亦現在於彼	與其弟子衆	皆坐而共食

又復見世尊	現至拘耶尼	復在弗于逮
為無數拘利	而為說其義	皆自見目連
在彼作變化	自現神足力	示人本所行
於是諸地神	見其所居處	虛空諸神天
為之理法事	皆悉具示之	令觀無上法
在於四王天	皆為說正法	於焰天所見
亦復悉如是	見在兜術天	亦復見魔天
現於尼摩羅	波耶尼蜜天	悉見諸弟子
并及與世尊	在於梵天上	所見亦如是
為諸拘利梵	皆為其說法	於是自見身

遍在諸梵中	一切餘弟子	其衆皆如是
前諸過去佛	所行皆如是	經行及與樹
若龕及臥處	於是皆悉見	無數諸法王
其如是比類	皆如釋師子	我自自在是間
所見甚可怪	其所見法事	雄特無過是
諸佛之世尊	可怪放光明	乃作是變化
神足中最尊	在於忉利天	說法不往來
悉遍閻浮利	處處皆悉見	國邑與郡縣
聚落及餘處	常等讚歎之	為其而說法
如我之所觀	為皆見世尊	并見諸弟子



我亦於是任	皆悉而遍見	我於是驚怖	廣放大光明
疾疾到佛所	時即便往詣	前見人中尊	皆施行何等
而問於是法	恐懼心所怪	惟願為說之	於東西南北
能作是變應	何所是佛事	虛空亦復爾	自恃得道時
如是閻浮利	天上亦如此	若在於梵天	施祐謂為益
四面俱皆爾	我求甚駛疾	遠離於佛慧	於是自思念
我自呼有德	神足為無比	本造當如是	發心求佛道
違失如來行	是心無解脫	今悔無所益	於行爲了盡
諸佛世尊跡	於是大音聲	其德難思議	今願持五體
於是悉自見	其場聚如是	以是禮世尊	衣毛爲之豎
其場聚如是	如是悉自見	其德難思議	今願持五體
以是禮世尊	其德難思議	今願持五體	頭面自歸禮
衣毛爲之豎	今願持五體	頭面自歸禮	諸是三千界
如是大音聲	普周無不聞	諸是三千界	皆爲大震動
皆爲大震動	在於須彌頂	我於是驚怖	皆悉而遍見
我亦於是任	皆悉而遍見	我於是驚怖	廣放大光明

今悔無所益	於行爲了盡	諸情悉已斷
疾疾到佛所	時即便往詣	前見人中尊
而問於是法	恐懼心所怪	惟願為說之
能作是變應	何所是佛事	於東西南北
如是閻浮利	天上亦如此	若在於梵天
四面俱皆爾	我求甚駛疾	遠離於佛慧
我自呼有德	神足為無比	本造當如是
違失如來行	是心無解脫	今悔無所益
諸佛世尊跡	於是大音聲	其德難思議
於是悉自見	其場聚如是	以是禮世尊
其場聚如是	如是悉自見	其德難思議
以是禮世尊	其德難思議	今願持五體
衣毛爲之豎	今願持五體	頭面自歸禮
如是大音聲	普周無不聞	諸是三千界
皆爲大震動	在於須彌頂	我於是驚怖
我亦於是任	皆悉而遍見	我於是驚怖

於佛法無益 譬如人入海 行採求衆寶  
捨摩尼不取 而更求淤泥 自察如我智  
并復及餘人 棄於世尊行 而反求弟子  
若疑有懈怠 是行不得佛 精進發道意  
合會諸善德 如是勤苦行 可得過三界  
其能作是行 佛慧可疾得 惟願稽首禮  
歸命諸世尊 其有逮得是 持最尊佛慧  
能現無極變 獨有釋師子 諸有見聞者  
疑惑爲永除

爾時佛讚賢者大目犍連如汝境界能視能見復次

目連如諸世尊境界不可思惟令一切人及蜎蜚蠕  
動皆得辟支佛都合會是智共消息不能知不能見  
何況汝一弟子而欲計量知是一處之所作尚不能  
知況佛境界而欲得知耶如是目犍連復次當來輩  
皆共聚會是輩聚會已共坐一處視道變化如是如  
來等正覺變化現道神足名爲道變化神足變化無  
極變化法言所說目連則言如是世尊賢者大目犍  
連聞佛所說已自見身在蓮華上放身光明而在梵  
天自於其處所語四天下皆聞於是目連說偈言  
佛出於世間 甚爲難得值 無數億百千



難計拘利劫	譬如優曇鉢	其華甚難值
如是佛難見	世尊過於是	譬之若尊王
飛行遮迦越	常而有神足	福德力亦爾
其子有千人	七寶皆悉具	往到於佛所
聽受上法言	梵天與帝釋	所欲得自在
若欲樂天上	復樂於人間	五樂以自娛
恣心歡喜樂	往到法王所	一切可得願
若能有棄離	一切諸愛欲	到於泥洹寂
如服甘露味	其欲逮無極	得最神足力
當詣世雄所	聽受上法言	若有辟支佛

及與諸弟子 於是兩足中 佛為最尊上

降伏於魔王 并及諸官屬 當往到如來

見於法之王

於是大目捷連發起無央數那術億百千天子欲界色界疾疾各以所有天華天香天傳飾華天澤香皆持欲往到佛所各持是華供養散於佛上以頭面稽首禮佛足却任一面於是目捷連以神足力聚會諸天眾共在一處已便往到佛所前以頭面著佛足皆却任一面佛爾時語目連言目連聽我所說道神足變化無極法言於是目連受教而聽復次目連三千

大千刹土百億日月百億大海百億須彌山百億四  
天下是名三千大千世界爲一佛刹於目連意云何  
呼一閻浮利謂我於是中得道目連莫作是視何以  
故目連於一切四天下隨其所願上中下而爲說法  
知誰當得阿惟三佛誰在母腹中誰在兜術天誰復  
般泥洹皆悉知復次目健連於是三千大千刹土東  
方去是四天下萬三千四天下其四天下世界名無  
塵有佛號字比羅耶摩提今現在說法復次目連彼  
四天下世界人民無姪怒癡常親近道法樂聽受奉  
行彼有求菩薩道者少求碎支佛道者求弟子行者

甚衆多復次目連彼佛如鏡明無垢一一所說法九  
十九億人解弟子乘於彼不說沙門之四德不如是  
聞說沙門之四德何等四德須陀洹斯陀舍阿那舍  
阿羅漢復次目連彼世界人在一坐皆得六通之證  
逮入惟務禪皆自念知爲脫於生死歡喜踊在虛空  
中去地七仞坐於虛空便般泥洹身中出火還自燒  
身亦無有骨亦不見灰都無所有如是目連彼佛現  
在說法寂然度人寂然般泥洹彼世界無取無與若  
飢渴所念飯食皆自然在前衣被服飾譬如忉利天  
上若起若滅若生不因母人胞胎生無有女人因福



自然而生其地皆作黃金色復次目連彼佛如來國  
土人民壽五百歲有長有短於目連意云何能知彼  
佛如鏡明無垢如來不目連則言不知彼土如來則  
我身是我於彼間以法而教導如是目連如是此名  
爲道神足無極之變化也一切弟子辟支佛皆悉過  
其上復次目連於是三千大千刹土南方去是萬八  
千四天下世界名羅陀那三披有世界其世界有三  
寶黃金白銀水精彼世界佛號羅陀那捷頭如來至  
真等正覺今現在而說法如是目連復次彼佛如來  
爲辟支佛行者說法彼佛世界少菩薩弟子行者於

彼刹沒生於空無佛處於彼處皆當得辟支佛於目  
連意云何知彼佛寶品如來無所著等正覺不目連  
言不知天中天佛言則我身是我於彼間以法教導  
人如是名爲道神足無極之變化也一切弟子及辟  
支佛去佛甚遠復次目連於是三千大千刹土西方  
去是四天下二萬二十四天下其世界名羅陀那質  
多其世界有七寶黃金白銀琉璃水精碼瑙赤真珠  
磲磔是爲七寶如是目連彼世界以寶爲樹其經行  
處皆寶以寶爲交露帳以寶爲欄楯皆以雜寶而校  
莊之以寶爲浴池中有八味之食飲皆自然念便

自然至譬如兜術天上諸天被服飲食彼土人民亦如是彼國土不聞母人亦不見母人亦無有母苦生者亦無男子母人合會者亦無姪洸於欲亦不姪洸於財亦不姪洸於懈慢亦不從胞胎生彼世界一切人生皆從蓮華藏化生於彼目連復次實意世界佛號寶等有如來無所著等正覺於彼說法彼佛如來不說餘事純以菩薩篋藏令一切發三苦心令不可復計阿僧祇人皆得無所從生法忍復不可計阿僧祇人皆受決當爲阿耨多羅三耶三菩彼佛世界無有弟子緣一覺行者皆悉菩薩亦無有恩愛心亦不

念滿彼四天下彼國如來壽八萬四千歲其土人民壽亦知是有長有短彼國人壽盡不墮三惡道不生邊地彼國菩薩若於是壽盡倍復生清淨刹土面見諸佛世尊於彼天若天龍捷杳杳其心不念一等無異皆有薩芸若意諸天龍捷杳杳雖有是名志願同一雖若干智等以無上智若諸天龍捷杳杳若人常服於智如是於目連意云何彼寶等有如來現在說法汝知不目連言不及天中天佛言彼佛則我身是我於彼間以法而教導如是此名爲道神足無極之變化也非是羅漢時支佛所能及知復次目連於是



三千大千刹土北方去是四天下世界三萬六千四  
天下名無恐懼世界其世界有兩寶黃金白銀彼佛  
世界無泥犁身無畜生身無餓鬼不畏生邊地於彼  
無有虧戒者於所見亦不毀亦不虧種姓亦不於餘  
道及尼捷波和而有所信知彼目連無恐懼四天下  
世界佛號無畏與如來無所著等正覺於彼說法其  
佛如來便往到佛樹下到佛樹下已七十二億那術  
魔往到其所是諸魔是時如來現如菩薩求道未逮  
薩芸若是時魔便化作七十二億那術樹是時菩薩  
亦化作七十二億那術菩薩各坐一一所作樹下是

時魔恐怖而大驚怪自念言何所爲審是菩薩者欲  
於是座牽出之是時諸化菩薩語魔化幻如汝諸魔  
衆一切諸法皆亦如是云何言何所審是菩薩者而  
欲牽出之我於是問禪念思惟如我前後所作福常  
發阿耨多羅三藐三菩心以勸人令發意求菩薩道  
汝云何無勸助意反欲牽出菩薩禪定思惟若我所  
作惡事不勸人令求菩薩者自然滅去何須乃欲相  
牽耶以是故非汝所能牽莫於是而作自侵於是魔  
復問菩薩言汝作幾所福而發阿耨多羅三耶三菩  
心復能勸人令索菩薩道報言衆魔譬如恒邊沙一

沙爲一佛刹滿其中珍寶持是施與持是發道意其所作功德復過於如是如是復次衆魔如恒邊沙等世界一切人皆滿其中施以所安恭敬承事至于劫中如是功德福祐持用求道魔復問言卿所作功德乃爾其有牽菩薩奪處者其罪云何菩薩報言如所說爾所恒邊沙一切令若有索鑿是人眼皆出之則作罪如是爲多不魔報甚多菩薩報魔言若牽菩薩者其罪甚倍多於是是爲牽阿耨多羅三耶三菩爾時魔衆七十二億那術以是方便見是變化皆發阿耨多羅三耶三菩心是時諸發意菩薩天華天香天傳

飾華天澤香皆舉持散菩薩上天上千種諸妓樂持用供養娛樂菩薩如是音樂聲皆說如是疾疾令三界之導師疾成阿耨多羅三耶三菩阿惟三佛作是讚歎已便見菩薩坐於樹下已得阿耨多羅三耶三菩阿惟三佛於是更有異百千天子心念如是諸魔衆今來到是不復入三惡道亦當得脫便當發阿耨多羅三耶三菩心於是無恐懼施言今得佛是故名無恐懼如來何以故名爲無恐懼施無恐懼與審如是說是名時諸世界皆聞知佛爲得道佛言如是目連彼世無恐懼施如來則我身是我於彼世界以法



而教導如是目連如來名爲道神足無極之變化也  
一切弟子緣一覺所不能持

道神足無極變化經卷第三

音釋

紺 古暗切含也謂青而含赤色也 彷彿 彷彿方切佯余章 蝟 蝟音軟 比羅耶摩提 梵語也

員 員切蟲行貌 蠕動 蠕動也 羅陀那捷頭 梵語也

芳 芳微切翔也 羅陀那三披 梵語也 羅陀那捷頭 梵語也

無垢 無垢切 羅陀那質多 梵語也 薩芸若 梵語也

品 品云寶意 羅陀那捷頭 梵語也

浙江嘉興府楞嚴寺般若堂庚子年餘貴刻此  
道神足無極變化經三卷計六千六百  
該銀三兩五錢一分  
順治十七年八月 日徑山比丘徹微拜開識

道神足無極變化經卷第四

西晉安息三藏安法欽譯

復次目連於是三千大千刹土東南方去是刹八萬  
四千四天下國土名三曼陀質其佛名質多拘蟲怛  
薩阿竭阿羅訶三耶三佛如來無所著等正覺現在  
說法彼四天下世界盡甚好東西南北十八街巷珍  
寶滿地柔軟譬如天衣地生柔軟之草高四寸其地  
所有各各異種衆色好是皆悉遍行步若下足蹈地  
草皆柔軟可意足舉則生如故其地皆平如掌目連  
是遍等世界皆如此有城名廳陀鬱沉其城中人安

沙爲一佛刹滿其中珍寶持是施與持是發道意其所作功德復過於如是如是復次衆魔如恒邊沙等世界一切人皆滿其中施以所安恭敬承事至于劫中如是功德福祐持用求道魔復問言卿所作功德乃爾其有牽菩薩奪處者其罪云何菩薩報言如所說爾所恒邊沙一切令若有索鑿是人眼皆出之則作罪如是爲多不魔報甚多菩薩報魔言若牽菩薩者其罪甚倍多於是是爲牽阿耨多羅三耶三菩爾時魔衆七十二億那術以是方便見是變化皆發阿耨多羅三耶三菩心是時諸發意菩薩天華天香天傳

飾華天澤香皆舉持散菩薩上天上千種諸妓樂持用供養娛樂菩薩如是音樂聲皆說如是疾疾令三界之導師疾成阿耨多羅三耶三菩阿惟三佛作是讚歎已便見菩薩坐於樹下已得阿耨多羅三耶三菩阿惟三佛於是更有異百千天子心念如是諸魔衆今來到是不復入三惡道亦當得脫便當發阿耨多羅三耶三菩心於是無恐懼施言今得佛是故名無恐懼如來何以故名爲無恐懼施無恐懼與審如是說是名時諸世界皆聞知佛爲得道佛言如是目連彼世無恐懼施如來則我身是我於彼世界以法



經 道神足無極變化經卷第三 九

而教導如是目連如來名為道神足無極之變化也  
一切弟子緣一覺所不能持

### 道神足無極變化經卷第三

#### 音釋

紺 古暗切舍也謂青而含赤色也 彷彿 彷彿方切佯余章 蛭 蛭螿

員 員切蟲行貌 蠕動 蠕動音軟 比羅耶摩提 梵語也

芳 芳微切翔也 羅陀那三披 梵語也 羅陀那捷頭 梵語也

品 無垢 羅陀那質多 梵語也 薩芸若 梵語也

道神足無極變化經三卷計六千六百一十

順治十七年八月 日經山比丘徹微印開識

### 道神足無極變化經卷第四

#### 西晉安息三藏安法欽譯

復次目連於是三千大千刹土東南方去是刹八萬  
四千四天下國土名三曼陀質其佛名質多拘蟲怛  
薩阿竭阿羅訶三耶三佛如來無所著等正覺現在  
說法彼四天下世界盡甚好東西南北十八街巷珍  
寶滿地柔軟譬如天衣地生柔軟之草高四寸其地  
所有各各異種衆色好是皆悉遍行步若下足踏地  
草皆柔軟可意足舉則生如故其地皆平如掌目連  
是遍等世界皆如此有城名廳陀鬱沉其城中人安

經 道神足無極變化經卷第四 十一

隱豐饒熾盛大樂東西長三十二俞旬南北廣十二  
俞旬如是目連彼善尊城人皆共居其中其國人民  
繁裔多於鴛迦摩竭拘畱諸人民數如是目連其幻  
華如來世尊於善尊城中遊行止頓其中一會說法  
爲師子吼令三十那術人皆得阿羅漢復有三十那  
術人得阿那含復有三十那術人得斯陀舍復有三  
十那術人得須陀洹復有三十那術人發辟支佛行  
復倍不可計數人發阿耨多羅三耶三善心復異不  
可計數人皆悉作功德目連是彼四天下世界有樹  
名末頭三披譬如蜜其華果實常有不乏其華果實

味譬如百味飲食彼若男子母人欲得一華一果得  
以食之安隱飽滿七日不飢不羸色貌不減身體康  
強輕便有氣力食是已訖如服甘露亦無小便亦不  
大行亦無洩唾彼無田種植者無舉假償債者其國  
中皆共食是華果彼國初不知有貧富俱等無異彼  
世界如來目連有九十六億那術百千弟子衆其菩  
薩衆復倍於弟子有園名三曼陀拘蟲有雜果諸弟  
子衆食飲常在是園中坐其弟子衆菩薩衆皆坐樹  
下若飲食時樹自然動搖華果落墮皆在鉢中食飲  
飽訖樹不動搖華果不墮還如本故如是目連彼世



界所有事物過倍於是不可計目連彼世界如來則  
我身是我於彼世界以法而教導如是目連名爲如  
來道神足無極之變化也一切諸弟子緣一覺所不  
及知復次目連於是三千大千刹土西南方去是四  
天下世界七萬四天下世界其世界名比實嚴填有  
八萬國王一一天下有八萬城城外有八萬聚落八  
萬王所治處八萬城八萬四千小城一一處城聚落  
處城小城拘利百千皆滿其中彼諸王皆奉行法非  
法之事皆悉除盡是諸王各有八萬四千夫人姪女  
爾時姪女端正世之最上一一諸王各有五百太子

一一諸王各有萬二千女是萬二千女皆端正於世  
最上是諸王法無鞭杖亦無兵器是諸王各各自治  
在其國目連彼容受世界佛號彼勿多羅陀那賴比  
恒薩阿竭阿羅訶三耶三佛如來無所著等正覺現  
在說法彼如來目連得阿耨多羅三耶三菩提時於彼  
四天下踊在虛空中去地七仞結加趺坐一加趺坐  
放大光明彼時四天下世界皆悉相見雨於天華諸  
音樂器不鼓自鳴一一樂器出百千音聲地爲六反  
震動諸妓音樂譬如梵音聲不可計百千所作功德  
所致轉於法輪一切諸欲垢皆悉盡無餘泥洹持菩

薩所知爲衆說法彼如來說法以是四天下世界八  
萬諸王及夫人婁女諸子諸女見佛變化已乃皆發  
阿耨多羅三耶三苦心彼國中一切人民男子女人  
男兒女兒皆遠塵離垢諸法眼生是諸王及夫人婁  
女諸兒諸女從佛求作沙門是時如來皆悉聽爲沙  
門爲沙門已在在所處在所處及城郭縣邑聚落其  
所至則處皆步行不乘車馬臥起飲食常於寺舍不  
復田作種植皆食自然天人來下而悉供養是時如  
來再會說法時一切諸弟子行者皆得斯陀含菩薩  
行者皆得歡喜忍三會說法時一切人皆得阿那含

菩薩行者皆逮得五通四會說法時一切皆得阿羅  
漢菩薩行者皆得不起法忍夫人婁女男女皆得不  
起法忍爾時夫人婁女及諸女皆轉女人身悉得男  
子不復見女像時彼如來皆授決爲阿耨多羅三耶  
三菩於目連意云何乃知彼土寶放光明如來無所  
著等正覺不目連言不及天中天佛言則我身是名  
爲如來道神足無極之變化也是故目連一切弟子  
緣一覺所不能及知也復次目連於是三千大千刹  
土西北方去是五萬五千四天下世界其世界名捷  
沓提世界純以洿勒迦抄羅梅檀其梅檀大如一錢



者價當是世彼世界有樹三曼陀捷陀彼世界一  
樹其香四百里其土皆生蓮華大如車輪一華者有  
不可計百千葉無央數色其華柔軟如天統縵華生  
高二丈華其香遍四天下香甚香彼世界四天下栴  
檀爲交露經行處亦皆栴檀波曇華來在兩邊彼世  
界無城郭縣邑聚落但有交露帳覆蓋其上其世界  
人民食飲譬如第五尼曼羅天上復次彼放香普熏  
世界佛號捷陀勿賴比如來無所著等正覺現在說  
法彼如來世界純是菩薩行無有弟子緣一覺行者  
其彼世界四天下悉徧滿皆得神足其菩薩皆得不

可思議忍彼菩薩輩中有菩薩名薩想曇無惟屈羅  
遊得不可議願事已得三忍神通爲達其所報答皆  
悉過上供養甚多不可計諸佛復次目連彼一切法  
無極積聚菩薩自念今欲問佛儻有說者而欲問之  
作是念已便從座起放身一一毛之光明照四百里  
放身光明徧境界若千百種華無央數色色甚鮮好  
是華在於虛空去地七仞心念欲持是供養應時虛  
空中聞柔軟音樂之聲譬如天樂是音樂聲皆出八  
種法印之聲一一法印之聲出八萬四千拘利經卷  
出七萬二千偈是時菩薩便踊在虛空中結加趺坐

會九十六拘利那術百千人皆作阿惟越致地皆得  
無所從生法忍當爲阿耨多羅三藐三菩如是像色  
貌菩薩目連滿彼世界一切人無有盲者亦無僂者  
亦無跛者亦無聾者無貧者無醜惡者彼一切人民  
皆是菩薩有三十二大人相其世界無有他餘異雜  
行彼國中亦無飲食者但以禪歡喜爲飲食其國中  
無有羌虜夷狄雜類之人亦無三惡道亦無邊地亦  
不於彼間歿而到他方國土生若有歿滅者便速得  
如來佛言如是目連彼世界如來則我身是我於彼  
土以法而教導是名道神足無極之變化也一切弟

子緣一覺所不能及知復次目連於是三千大千刹  
土東北方去是四萬二千四天下世界其世界名榆  
末陀那彼世界人民姪欲甚多貪姪瞋恚愚癡慳貪  
鬧憤強頡諸根習邪無信嫉妬犯惡多疑弊惡急性  
懶惰懈怠喜忘慙無所畏有吾我人壽命無黠智譬  
如野禽畜獸不知慚羞無有禮節心意癡狂彼世界  
醜惡面目無色無所省錄其處土但有淤泥及諸不  
淨生活動苦衣食不充喜鬪更相罵詈六月一雨一  
歲再雨五穀不豐惡行所致其世界地堅如鐵石碌  
礫不平譬如蒺藜踏傷人脚毒惡止上及地但生荆



棘彼世界所出水人民飲之濁惡鹹苦臭穢不淨衣  
被皆用草芻貧窮困厄更相看視轉相作使彼世界  
國王急性常喜瞋恚其中人民役使作務甚大勤苦  
治生田作穀粟錢財王皆奪取鞭杖暴虐無不被殃  
如是目連其國界中現世受殃甚劇乃爾如是比類  
彼復倍過此其世界中人命盡皆墮地獄餓鬼畜生  
三惡道中復次目連彼四天下世界如來名振波迦  
論真陀摩那迦樓如來無所著等正覺而爲說法彼  
佛如來目連現十八大變化而爲說法七百歲說法  
竟七百歲無有一人解法者是時世尊亦不厭倦說

法如故常持大悲而爲解說如是目連彼佛世尊若  
至聚落郡國縣邑若散居恒遊行無一處不到其國  
人民罵詈輕易挽掇唾言持怒作等其世尊悉忍誘  
恤養護欲使度脫得至泥洹目連是時如來於爾所  
歲中說法常養護之說法時有八萬四千那術人皆  
得阿羅漢復八萬四千那術人得阿那含復八萬四  
千那術人得斯陀含復八萬四千那術人得須陀洹  
諸大衆一日之中皆除鬚髮作沙門悉受大戒是時  
學者不學者於三月中前所諸惡從佛受誨皆得離  
之一時俱般泥洹彼佛恒常在復養護緣一覺及菩

薩行者其所作罪惡故而生彼國彼受苦痛乃爾一時皆得畢離於是目連復白佛言惟世尊是輩菩薩作何等罪生於彼國土佛告目連菩薩有四事法往生彼國何等爲四一者倚菩薩名而求供養不學菩薩事二者目連於菩薩事不能行而懈怠雖見亦復不能持三者目連菩薩見餘菩薩得供養便妬嫉之言何以供養是斷截他人功德而輕易之四者目連菩薩不能護身口意以是故得是用是事目連得生彼國目連佛言彼佛則我身是我於彼國以法教導人名爲如來權道神足無極之變化也弟子緣一覺

所不能及知其如是目連如來於是三千大千世界作佛事如是目連如汝輩不盡悉現所以者何弟子不能及持以是故不能悉見復次目連於是三千大千世界百拘利四天下世界彼如來隨一切意而爲說法復次有四天下世界如梵天形像被服而爲說法彼世界如來不出家除鬚髮復次有如釋提桓因形體被服而爲說法或如日天王形體被服而爲說法或復如遮迦越王形體被服而爲說法如是比目連於是三千大千世界中如一切人之所願而爲說法如是比無央數復有異無央數不可計數佛刹土



所爲一切弟子緣一覺所不能及知目連譬如月宮殿日宮殿日月天各坐其殿亦復不出亦復不入坐照見天下如是目連佛世尊亦不從是起亦不到彼坐悉見不可計佛刹悉皆示現隨一切人上中下之所願皆養護之而爲說法是賢者大目犍連曰佛言何所審是佛世尊者若忉利天若閻浮利若天宮若三千世界此彼四天下世界復異世界說法乃爾所世界何所審是佛者我曹當云何知無極大觀之義大界之服云何得知目連所問如是世尊佛告大目犍連言如汝所問能受持不今爲汝說之目連譬如

幻師化作人若男子若女人何所審是男女者目連曰佛言無有審是者何以故是幻咒術力之所成於是無有持佛語目連是幻誰之所化是幻能所作耶目連曰佛言可作世尊佛語目連如是一切諸法如幻化而無持在所作爲如是目連幻師所化術力所成化幻多有所作爲是幻皆等無有持如是目連如來以智慧一切諸刹而等示現如是皆悉無持爲一切所作而常等如是爲佛事以是故爲大無極達觀如是等所爲之大報如目連諸佛世尊皆一等無若干如是比目連諸法常等任如諸法等任成道亦爾

法界而無持亦不若干目連汝熟思惟如來於廣遠  
諦尋跡求佛能化作恒邊沙如來三十二相一等無  
異亦能令說法六十衆事所說同聲是諸如來悉皆  
知一切人心之所行是諸如來皆悉知一切人當得  
解脫者如解脫印印六情根而爲說法令稍稍得滿  
智是諸如來爲一切現說法以一切聞之皆奉行等  
知諸苦集盡是諸如來有三事變化說法爲四面等  
說法是諸如來悉現諸佛事於目連意云何乃爾所  
諸佛何所審是最特者如來幻幻如來何者爲特目  
連白佛言於是中如來無有能得知特者何以故如

恒薩如恒薩所作而無增減於恒薩無若干作若色  
若像若報答若慧若神足若說法若脫一切人如是  
如來於是衆事不能若干說如是目連所作如是作  
如是現如化幻分諸法亦爾是故諸法無有特無若  
若干如此目連化幻分知諸法亦爾凡人於此不能作  
若干乃況諸佛世尊何以故目連一切諸法習於空  
故念厭不用欲不欲若有若無卽任其中能所作如  
所得於法界亦不起亦不滅目連如法界如來皆見  
皆知皆覺如是目連如令閻浮利地人滿其中如來  
示現示現變化若作如來若作比丘僧其人展轉不



自知爲如來若比丘僧置是閻浮利中人目連滿是四天下若天若人及蝸蜚蠕動之類諸可所生者目連爾所人皆任佛前乃爾久遠前世是一切皆任於佛前皆現如來若比丘展轉相知復置是四天下目連於是三千大千刹土中一切蝸蜚蠕動之類滿其中皆令得人身得人身已皆令一等如是目連得人身得人身已皆一種類皆現如來比丘僧展轉不相知目連復置是三千大千刹土人民如是目連東方恒邊沙刹土東方南方西方北方四維上方下方如是十方一切諸世界是爲甚多不可計界都普一

切皆令得作人身得作人身已如是人輩目連如來一種類一一皆使如如來皆復作比丘僧如是輩展轉復不能自知復置目連十方十恒邊沙佛刹中目連如如來今坐於是持佛眼視諸佛刹中持佛所知譬如如來數於百千劫說不能究竟如是不可計佛刹於是聞坐見乃爾所佛刹如恒薩阿竭慧譬喻所說令一切皆如辟支佛索不能知不能數不能稱不能視辟支佛尚皆不能知何況弟子以是故如來皆見知如是百如是千如是百千如是拘利百千如是恒迦羅如是頻伽如是阿壽如是阿僧祇如是不可計

數如是恒邊沙如是三千大千不可計數國皆悉徧  
滿中如是目連佛言如是數無所罣礙眼所見直一  
而視而不睥睨視亦不延頸視持佛眼一而視遍悉  
見十方不可計無央數難思議無邊無際刹土中如  
是比論佛刹土其中人民及蜎蜚蠕動之類如是如  
是比一切薩怛薩之界多於地土之分如是薩怛薩  
前世初未曾有行皆令得人身已皆使作遮迦越王  
一一遮迦越王各各坐有官屬一遮迦越王者其官  
屬都盧皆如爾所遮迦越王展轉如是如是目連都  
盧爾所遮迦越王官屬爲一遮迦越王官屬如此數

如是比皆爲如來其像色貌皆一種類如是因緣一  
切皆住在前一一遮迦越王及其官屬在前皆各自  
見有如來諸比丘僧諸遮迦越王各自呼獨有如來  
謂其餘皆無各各皆悉各各自見一如來謂餘爲無  
各各皆悉爾如是諸遮迦越王及其官屬身一一諸  
毛皆各一如來一如來皆各有比丘僧如是皆是如  
來道神足無極之變化其聞是者不敢微意言非是  
如來無極示現之變化也若有起念是真爲如來無  
極示現變化之所爲如是爲不可計慧所爲事目連  
如是於目連意云何如我今乃爾所人皆立之於遮



超越王處如是品福分如是品福分皆使得作遮迦  
越王七寶皆具如是福分寧多不目連白佛言甚多  
甚多天中天使一人得者其福無能計量乃爾所人  
不可計不可限甚多安過之安佛言目連如是所說  
當受持熟思惟之如是諸薩怛薩作遮迦越王所福  
分如是福分甚多不如如來一毛之福出過是上無  
央數於是目連白佛言如是爲是如來之德是爲如  
來爲大神足爲大分爲大能如是世尊我悔無所及  
何以故於諸法神通達而自損目連復白佛言彼諸  
一切聞是如來道神足無極之大變化皆逮得大德

其有聞已發一心念其中事欲求解脫欲學逮滿欲  
得是道神足無極之變化者爲發阿耨多羅三耶三  
菩提心世尊如此輩人當頭面禮之所以者何如是人  
得不久是輩終不復畏墮三惡道亦不復疑如是如  
是義亦不願天龍鬼神捷沓起亦不願作梵天如是  
世尊目連於是問道神足無極變化起任叉手發聲  
言南無佛世尊當爲聞是輩人作禮令是人疾逮所  
願欲發者已發者皆令是輩人逮得無極如佛無極  
令心於是不復轉不猶豫不復疑信爾時諸天龍闍  
又捷沓起釋梵護持世者供養於佛以及於法言皆

悉願樂是時百千種諸音樂罷不鼓而自鳴天優鉢  
羅波曇拘文分陀利華滿於忉利天上聞是法言品  
所說時七萬二千那術諸天從本來作功德皆發阿  
耨多羅三耶三菩心皆說是言我曹於後當來世當  
在諸天及世間人前作大師子吼如今日佛世尊師  
子之吼爾時月天子月星天子前白佛言世尊是族  
姓子族姓女於是法言品所說若受若持若念若說  
於大衆中普廣說之當得幾所福祐功德佛語天子  
於是三寶若族姓子族姓女不斷不忘求遠以於是  
法言若自持爲他人說何以故如天子聞是法亦不

於弟子心有所求亦不於辟支佛心有所求心常在  
阿耨多羅三耶三菩何以故持淨解脫天子得利諸  
根於是法言爲逮爲起道起歡喜心於解脫而不疑  
天子當持是法言而廣說之不斷三寶而得住於是  
法言若特若諷誦若爲人說於天子意云何不不斷  
寶而常任若有於是法若持若說於天子云何不不斷  
於三寶而任供養於千佛衣被飲食牀臥具病瘦醫  
藥所當得於百千劫中寧有能計是人所得功德者  
不無有能知者世尊佛言如是天子說是所說法言  
有智黠者知是福不可計無有限量若有於是法言



若待於衆中說其福過是無能計者於是彌勒白佛  
言世尊是法言名爲何等當云何持奉行佛語彌勒  
卿彌勒是法言名爲於忉利天所說持一名爲道神  
足無極變化持是屬累以相寄卿彌勒當審諦持於  
大會中審諦具足說之彌勒如是像經於閻浮利天  
下甚難得聞如是彌勒如我所說佛說已皆歡喜月  
天子月星天子彌勒菩薩賢者大目犍連諸天龍闍  
又犍陀羅阿須倫阿須倫民莫不樂聞歡喜前爲佛  
作禮  
道神足無極變化經卷第四

釋

三曼陀質 梵語也此 質多拘蟲 梵語也此 跋陀鬱

沉 梵語也此 裔 以制切謂苗裔種類也 末頭三披 梵語也此

洩唾 洩延知切鼻液也 三曼陀拘蟲 梵語也此 比

實感填 梵語也此 彼勿多羅陀那賴比 梵語也此

明捷杳提 梵語也此 三曼陀捷陀 梵語也此

普熏 梵語也此 捷陀勿賴比 梵語也此 偈 謂背不仰也 跋 布

羅遊 梵語也此 榆末陀那 梵語也此 鬧憤 鬧女教切

行不正也 謂喧鬧 強頌 強渠良切暴貌額五 慙 呼甘切謂愚

憤亂也 強渠良切暴貌額五 慙 呼甘切謂愚

經 五十一

0123456789200123456789210123456789220

碌

碌盧谷切碌多石貌

振波迦論真陀摩那迦樓

傷悲憐念

挽掖 挽武維切掖彌列

睥睨 睥匹詣切睨五

計切睥睨

浙江嘉興府楞嚴寺般若堂庚子年餘贊刻此

道神足無極變化經四卷六千一百十七

該銀三兩五錢五 日徑山比丘徹微印開識





上十

0  
1  
2  
3  
4  
5  
6  
7  
8  
9  
200  
1  
2  
3  
4  
5  
6  
7  
8  
9  
210  
1  
2  
3  
4  
5  
6  
7  
8  
9  
220